



Qaasuitsup kommunia Postboks 1023,3952 Ilulissat Tlf:947800 Fax: 701077 www.qaasuitsup.gl



**Pitsaaliuinermi naalackersuinikkut  
anguniakkat.**



<b>Imarisaanut nalunaarsuutit</b>	<b>Qupp.</b>
Imarisai	
Aallaqqaasiut	3
Tunuliaqutaasoq	4,5
Pinaveersaartitsinerup siunertaa	6
Anguniakkat	7
Naalackersuinikkut anguniakkat	8
Pinaveersaartitsinermut ataatsimiititaliap kommunalbestyrelsillu anguniagaat.	9
Ukiumoortumik iliuusissatut pilersaarut aamma ukiumoortumik nalunaarusiorneq	10
Pinaveersaartitsinermut ataatsimiititaliami ilaasortat	11
<b>Qaasuitsup Kommuniata pinaveersaartitsinermik peqqinnerulernissamillu naalackersui-nikkut anguniagai Meeqqat, inuusuttut ilaqutariillu siusissukkut ikiorserneqartarnerat.</b>	<b>12</b>



## Aallaqqaasiut

Qaasuitsup kommunia illoqarfinnik 8-nik nunaqarfinnillu 33-nik katitigaavoq siunertaavorlu pinaveersaartitsinikkut politikkip suliarinera siunnerfilliissasoq ukiuni aggersuni pinaveersaartitsiniutitigut iliuusissanut Qaasuitsup Kommuniani tamarmi. Qaasuitsup Kommuniani pinaveersaartitsinermik suliaqarneq ersarisuussaaq kommunemi innuttaasunit iluaqutaalluni nuannaarutaallunilu. Qitiusumik anguniagaq pinaveersaartitsinikkut tassaavoq, qulakkeerniassallugu innuttaasut tamarmik killeqanngitsumik naligiimmillu pinaveersaartitsinermut periarfissaqarnissaat susassaqarfimmi suliatigut suliniutitigullu akuusinnaallutik, soorlutaaq tamatigut isiginiarneqassasoq sutigut pinaveersaartitsiffissat nukittorsarneqarnissaannik pisariaqartitsisoqarnersoq. Pinaveersaartitsiniutitigut kommunemi suliniutit sammitinneqassapput siusinaartumik iliuseqarnermik naliginnaasumillu inuiaqatigiit peqqissuunerannik pitsanngorsaaniuteqartuulluni, inuttut atukkatigut assigiingisuseq annikinnerpaamiitinniarlugu kiisalu inuttut atugarliuutininik kingornuttagarsonerup kipisinniarnissaa. Pinaveersaartitsinermik suliatut tamarmik ulluinnarni eqimattat eqqungaanerunissaminnut qaninnerusut iliuseqarfiginissaannut immikkut pinaveersaartitsinissaminnut periarfissanik isiginninniartuussapput, annermik meeqqat inuusuttullu atugaasigut, naartuliaartunut iliuseqarnerit, anaanangorlaanut iliuseqarnerni kiisalu ilaqtariit mianernartumi inississimasut. Taamaattumik iliuseqajaarnissat pingaaruteqartuupput, taamaasilluni angajoqqaangujaartussat, meeraaqqat ilaqtariillu meerartallit pitsaasumik ineriartornissaat qulakkeerneqarni-assammat.

## Tunuliaqutaasoq

Ulloq 1.januar 2009 kommuneqarfiit kattussuuneqarnerannut atatillugu, isumaginninniarlut ataatimiittitaliap aalajangiussimavaa, Qaasuitsup Kommuniani pinaveersaartitsinermik politikke-qartoqassasoq, taanna ukiuni aggersuni kommunemi illoqarfinnut 8-nut nunaqarfinnillu 33-anut pinaveersaartitsinermi suliatigut tikkuussiniartuussavoq. Qaasuitsup Kommuniani pinaveersaartitsinikkut sulineq innuttaasunut iluaqutaallunilu nuannaaru-taassaaq kiisalu inuunermik peqqissuunermik annertunerusumik paasisaqarnermut peqataatinne-qassaaq. Innuttaasut amerlavallaat inuuneq nuanniitsoq atorpaat inooriaatsip nassatarisaatigut nappaatinik assigiinngitsunik atugaqaramik, naak taakku pinaveersaartinneqarsinnaangaluartut, ajornartorsiutillu aaqqiviginiarlugit ataatsimoorussisoqartariaqarpoq, tassuunalu susassaqarfiit tamat annertuumik suliniuteqarnissaat piumasaqaataassaaq.

Kommunemi pinaveersaartitsinikkut suliniarnermi qitiulluinnartoq tassaavoq, qulakkeerniassallugu innuttaasut tamarmik pinaveersaartitsinermut sulianut killeqanngitsumik naligiimmillu periarfissa-qarnissaat kiisalu suliat aallartittut anguniagassallu susassaqarfimmut periarfissiisutaasut, soorlut-taaq tamatigut isiginiarneqartassapput sutigut pinaveersaartitsissutugalugit nukittorsartariaqartut.

Kommunemi pinaveersaartitsiniutitit suliniutit piaartumik akuulernikkut inuillu peqqissusaannik naliginnaasumik aallaaveqartinniarneqassaaq, soorlutaaq inuttut atukkat nikinganerat annikillisar-niarneqassasoq, tassunga ilaatillugu inuttut atukkat nuanniitsoq kingornuttangaanerata kipitinniar-nissaa.

Ukiuni arlalissuarni inuiaqatigiit kalaallit akornanni pinaveersaartitsinermik sulisoqarsimavoq, tas-sani PAARISA ukiuni taakkuanni qitiusumik atuuffeqarsimalluni. PAARISA-miit paasisitsiniaanerit siunnersuinerillu atorlugit pinaveersaartitsineq aamma peqqinnerulersitsinissamik suliniutit inger-lappai, kiisalu ataqatigiissaarineq qitiusumik kikkut susassaqarsinnaasut atorlugit peqinnerulersin-naanermut suliniuteqartitsinerit. Pingaarnertut suliniutaalluni anguniagaq tassaavoq Naalakkersu-isut inuiannut peqqissuutitsinissamik pilersaarussiaa "Inuuneritta"-p atuutinnissaa. PAARISA-p suliniarfittut siunnerfii tassapput meeqqat, inuusuttut ilaqtariillu. Meeqqat inuusuttullu pisinnaati-taaffii, inuunerinneq inoorusunnerlu salliuinneqassapput peqqissuunissamik perorsaaniutit ator-lugit. Siunertaavoq ilaqtariit peqqissuunermik isumaliortaasiata nukittorsarnissaa taamaasilluni ilaqtariinni ataasiakkaat ilisimasatik naapertorlugit namminneq peqqinnartumik toqqaasinnaann-gortillugit, tunniusimanikkut, takorluuinikkut iliuseqarsinnaasutsikkullu. PAARISA-p iliuseqarfi-gisassanut periusissat ilusilersortarpai Naalakkersuisut politikikkut pinaveersaartitsiniutaanut anguniagassat aallaavigalugit.



Pinaveersaartitsinikkut sulinerup nukittorsarnissaanut piumasaqaataavoq politikkikkut aaqqissuus-saanikkullu suliniuteqarfigineqarniartutigit eqeersimaarfiginissaat. Pinaveersaartitsinikkut suliat immikkuullarinneri pissutaallutik susassaqrarfiit taamaallaat nukittorsaavigalugillu ingerlanneqar-sinnaapput politikkikkut ilisimasatigit toqqaanermi.

Pinaveersaartitsinermi iliuitsit tamakkiisut susassaqrarfiit akimorlugit suleqatigiinnissaannik ilusi-lersuineq pitsaasoq piumasaqaatigaa pisariaqarlunnarporlu pisortat suliffeqarfutaat kommune-qarfinni Namminersorlutillu Oqartussaniittut suleqatigiilluinnarnissaat pitsaasoq.

Pinaveersaartitsinermut suliat ilisimasatigit aallaaveqartumik aallaaveqarfiunissaat pissusissami-soortutut aallaaveqartariaqarpoq pinaveersaartitsinerullu ingerlanneqarnissaa tamatigit aallaave-qartuassaaq ilisimasat katersukkat pioreersullu atorluarlugit.

Qaasuitsup Kommuniani pinaveersaartitsinermi pisariaqarlunnarpoq pinaveersaartitsinermi ilisi-masalittut suleqataasut ulluinnarni sulinerminni isiginiassangaat periarfissat, inuiaqatigiinni eqqu-gaanerusinnaasunut immikkut suliniuteqartuarneminni pinaveersaartitsinissartik.

**Pinaveersaartitsinerup siunissaa:**

Qaasuitsup Kommuniata pinaveersaartitsinermut politikkaa tassaavoq kommunemi pinaveersaar-titsinermik sulinerup tamanut atuuttoq. Pinaveersaartitsinermik suliaqarnermi takorluukkat iliuusissatut pilersaarutini periusissanilu takuneqarsinnaassapput, soorluttaaq aamma pinaveer-saartitsinermik suliaqarnerit ulluinnarni aaqqissuunneqarnerini takuneqarsinnaassallutik; matu-mani meeqqat, inuusuttut inersimasullu kiisalu innarluutillit kommunemi najugaqartut sullinne-qarnerini ilaatinneqarput.

Kommunemi pinaveersaartitsinermik sulisut kommunellu avataani suliffeqarfinni sulisut sule-qataasartut, soorlu peqqinnissaqarfimmi sulisut, qanoq suleqatigiilluartiginerinik tunngaveqar-tussaassaaq.

Kommunemi pinaveersaartitsinermik suliaqarneq qulakkeerniarlugu pinaveersaartitsinerup politikkiata takorluugaanni, anguniagaanni immikkoortullu anguniagaanni siunnerfiit iliuusissatullu pilersaarutit ingerlaavartumik qanillattortinneqartuartaqarput; pinaveersaartitsinerup politikkaa ingerlaavartumik aaqqissuullugu anguniagartaasalu erseqqissaaffigineqarnerisigit tamanna anguneqartarluni. Taamaattumik pinaveersaartitsinerup politikkiatut pinaveersaartitsinermik suliaqarnerit ukiumoortumik ataatsimiititalianut tamanut nalunaarusiorfigineqartassapput: pinaveersaartitsinermut ataatsimiititaliamut, isumaginninnermut ataatsimiititaliamut aamma Kommunalbestyrelsemut.

Pinaveersaartitsinermik suliniutip, Inuuneritta II-p, suliaqarnermut akuutilersinneqarnissaa anguniarlugu Peqqissutsimut Naalakkersuisoqarfik aamma Qaasuitsup Kommunian peqqin-nerulernissamik naalakkersuinikkut isumaqatigiissusiortut, tassani Naalakkersuisut kommunellu isumaqatigiissutit immikkoortui siulliit ilanngunneqassasut isumaqatigiissutigaa, ukuusut:

- Pinaveersaartitsinermi siunnersortit
- Pinaveersaartitsinermut ataatsimiititaliat
- Ilaqutariit naartuliaartortaqpata siusissukkat ikiuineq
- Atornerluisunik katsorsaasarneq (imigassaq hash)

Suliasaqrarfiit aalajangersimasut taakku ataqatigiissarneqarnissaat isumaqatigiissusiornikkut qu-lakkeerneqassaaq; isumaqatigiissutini erseqqilluinnartumik suliaqarnermi anguniakkat, suliaqar-nerni illuatungeriit qanoq aningaasaliisuteqarnissaat, suliasat kikkunnit akisussaaffigineqarneri, suliasat piffissalersorneqarneri kiisalu nalunaarusiortarneq allassimassapput.



**Anguniakkat:**

Qaasuitsup Kommuniata pinaveersaartitsinermik suliaqarnerani makku immikkut suliniuteqarfigi-neqarput:

- Meeqqat inuusuttullu aamma ilaqutariit siusissukkut ikiorserneqartarneri
- Imminut toquttarneq
- Pinngitsaaliilluni atoqateqartarneq aamma kinguaassiutitigut atornerluisarnerit
- Persuttaasarneq
- Peqqinnartumik inooriaaseqarneq, nerisat aamma timip aalatinneqartarnera,
- Pujortartarneq
- Imigassaq
- Hash
- Aanngaajaarniutit aamma naamaartarneq
- Timersorneq
- Uippakajaarneq
- Atoqateqartarneq
- Qingasaarisarneq
- Kigutunik paarsineq. Kigutigissartarneq
- Angallanneq
- Uippakaajaarneq



### **Naalakkersuinikkut anguniakkat**

Qaasuitsup Kommuniata anguniaraa meeqqat inuusuttullu sumiginnakkat amerlassusiinik ikilisaaneq, meeqqat angerlarsimaffiup avataanut inissinneqartartut ikilisarneqarnissaat, siusis-sukkut ikiorsiisarnerit pingaartinneqarnissaat taamatuttaarlu angajoqqaanik sullissinerup pineqarnissaanik anguniagaqartoqarpoq.

Timikkut tarnikkullu peqqissuuneq, ilaqutariinni inooriaatsip anersaakkullu nukittussutsip nukittorsarneqara Qaasuitsup Kommuniani anguniarneqarpoq.

Qaasuitsup Kommuniani uummaarissumik peqqinnartumillu ataatsimoorussilluni anguni-agaqartoqarpoq; meer-aaneq, inuusuttuuneq utoqqaanerluunniit apeqqutaatinnagu.

Qaasuitsup Kommuniani ilaqutariit timikkut, tarnikkut anersaakkullu uummaarissumik ineriartortinneqassapput. Ilaqutariit, tapersorsorneqarnissaminnik pisariaqartitsisut, Qaasuitsup Kommuniani periarfissaqartinneqassapput. Innuttaasut ilaqutariillu nammineersinnaasuseqarnissaat naleqartutullu isiginissaat Qaasui-tsup Kommuniani anguniarneqarpoq.

Qaasuitsup Kommuniata makku akuersaanngilai:

- Naamaarneq
- Hash
- Imigassamik atornerluineq
- Persuttaaneq
- Kinguaassiutitigut kanngutsaattuliorneq, atornerluineq aamma persuttaaneq

Qaasuitsup Kommuniani najugaqarfinni tamani pinaveersaartitsinermut ataatsimiititalia-qassaaq.

Naalakkersuisut nuna tamakkerlugu suliniutaanni "Inuuneritta"-mi periusissat anguniak-kallu Qaasuitsup Kommunianit peqataaffigineqarput.

Qaasuitsup Kommuniata pingaartippaa meeqqat, inuusuttut, utoqqaat ilaqutariillu assi-giimmik kiffartuunneqarnissaat.

Uuttuinerit nalilersiunerillu ukiut qulit 15-illu ingerlanerini suliarineqartassapput; suliniutit killiffii paasinarlugit nalilersorsinnaaqqullugillu.



**Pinaveersaartitsinermut ataatsimiititaliap kommunalbestyrelsillu anguniagaat.**

**Najukkami pinaveersaartitsinermut ataatsimiititaliaq**

Pinaveersaartitsinermut ataatsimiititaliap suliassaraa illoqarfimmi nunaqarfinnilu pinaveersaartitsinermi suliat aamma peqqinnerulernissamik suliniutit ataqatigiissarnissaat.

Pinaveersaartitsinermut ataatsimiititaliap illoqarfimmi nunaqarfinnilu pinaveersaar-titsinermik suliat nukittorsassavai aamma peqqinnerulernissamik suliniutit immikkut sammissallugit. Illoqarfigisami nunaqarfigisanilu suliffeqarfiit atuumassuteqarsin-naasut suleqatigineqassapput taamaaliornikkut najukkami sunneeqataasinnaaneq akisussaaqataasinnaanerlu anginerusoq qulakkeerniarneqarpoq. Peqqinnerulernissamik pitsaasumillu inooriaaseqarnermik paasititsiniaanerit pissapput 2010-miit 2025-mut.

**Peqqinnissaqarfiup aqunneqarnera, aqqissuussaanaera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq**

*Pinaveersaartitsinermut ataatsimiititaliat*

§ 5. Naalackersuisut illoqarfimmi tamani pinaveersaartitsinermut ataatsimiititaliamik pilersitsis-sapput. Imm. 2. Pinaveersaartitsinermut ataatsimiititaliat suliassaraat najukkami peqqinnikkut iluaqutaa-sinnaasunik pinaveersaartitsinernillu suliaqarnerit patajaallisarneqarnissaat. Tamatumani aamma Naalackersuisut tunngaviliussaasa iluanni:

- 1) pinaveersaartitsinermik suliaqarneq aqutagalugu kommunip peqqinnikkut inissisima-neranut sunniuteqarnerup akisussaanerullu najukkami patajaallisarneqarnissaat
- 2) kommunip iluani pinaveersaartitsinermik peqqinnikkullu iluaqutaasinnaasunik suliaqar-nerup ataqatigiissumik aqqissuunneqarnerata pingaarnersiorneqarneratalu patajaallisar-neqarnissaat, aamma
- 3) peqqinnissaqarfiup tassunngalu attuumassuteqartut suleqatigiinnerisa itisilerlugulu pata-jaallisarneqarnissaa.

Imm. 3. Pinaveersaartitsinermut ataatsimiititaliat suliassanik inunnut ataasiakkaanut tunn-gasunik suliaqassanngillat.

Imm. 4. Sumiiffimmi kommuninut aggornilersuinerup avataanniittuni Naalackersuisut pina-veersaartitsinermut ataatsimiititalianik pilersitsisinnaapput. Naalackersuisut pissutsini im-mikkut ittuni imm. 1-imi taaneqartut saniatigut kommuninut aggornilersuinerup iluani pina-veersaartitsinermut ataatsimiititalianik pilersitsisinnaapput.

Imm. 5. Pinaveersaartitsinermut ataatsimiititaliat inuttalersugaanerit sulinerallu pillugit Naalackersuisut malittarisassanik erseqinnerusunik aalajangersaassapput.



**Ukiumoortumik iliussissatut pilersaarut aamma ukiumoortumik nalunaarusiorneq**

Suliassat ukiumoortumik pilersaarusiortartassapput, taanna PAARISA-mut novemberip ulluisa aallaqqaataat nallertinnagu nassiunneqartassaaq nassiussinermilu pilersaarutit aningasartuutis-saasut missingersuutaat ilanngullugit nassiunneqartassapput. Suliassat pilersaarutaat Qaasuitsup Kommuniata Pinaveersaartitsinermit immikkoortartaqarfianut kingusinnerpaami 1. september nassiunneqartassaaq. Pappilissat nassiussuunneqartut tamarmik katersorneqareerpata taakku kommunalbestyrelsemut oktoberip qaammataani saqqummiunneqassapput akuersissutigineqa-reerpatalu ataatsimoortillugit PAARISA-mut nassiunneqartassallutik.

Ukiumoortumik nalunaarusiaq Qaasuitsup Kommuniata Pinaveersaartitsinermit immikkoortorta-qarfimmut kingusinnerpaamik 1. februar nassiunneqassaaq, tamatuma kingorna pappilissat nassiussuunneqartut katersorneqareerlutik kommunalbestyrelsemut martsip qaammataani saqqummiunneqassapput.

**Suleqatigiinneq aamma pinaveersaartitsinermit suliaqarnermi suliat**

Qaasuitsup Kommuniata pinaveersaartitsinermit siunnersortit Paarisa qanimut suleqatigalugu paasititsiniaasassapput innuttaasunillu paasititsiniaasassallutik. Innuttaasunik pinaveersaartitsineq peqqinnerlu anguniarlugu suliassat makkuninnga imaqartinneqassapput; nerisat, timimik aalatitsineq, pujortartarneq, aanngaajaarniutit, kinguaassiutitigut nappaatit kiisalu hiv, aids, kissaatiginagu naartusarnerit il.il.. Pinaveersaartitsinermit aamma peqqinnerulernissamik suliaqarnermi meeqqat, inuusut-tut, inersimasut, utoqqaat ilaqutariillu sullinneqartassapput. Pinaveersaartitsinermit suliaqarnerup anguniagaraa innuttaasut peqqinnerulernissamik pinaveersaartitsinermillu paasissutissiiffiqartarnissaat.





## **Pinaveersaartitsinermut ataatsimiititaliami ilaasortat**

### ***Ilaasortat tassaapput:***

Inunnik isumaginnittoqarfik, meeqqat atuarfiat, peqqinnissaqarfik, kigutileriffik, pinerluute-qarsimasunik isumaginnittoqarfik aamma pinaveersaartitsinermut siunnersorti. Pinaveer-saartitsinermut siunnersorti ataatsimiititaliamut aamma allataassaaq. Illoqarfimmi ataatsi-miititaliap nunaqarfimmiut sunneeqataanerutinniarlugit ilaasortannngortissinaavai.

Ataatsimiititaliaq marlunnut avinneqarsinnaavoq; illoqarfiup angissussaa aallaavigalugu. Ataatsimiititaliami ilaasortat saniatigut suleqatigiisitamik pilersitsisoqarsinnaavoq, tamatu-malu kingorna suliassat angissussaat naapertorlugit ataatsimiititaliortoqarsinnaalluni.

### **Inunnik isumaginnittoqarfik**

Qaasuitsup Kommuniani meeqqat sumiginnakkat ikilisarniarlugit suliniutit aallartinneqassapput. Ajornartorsiuqip aallartinnginnarani suliniutit aallartinneqassapput. Inunnik isumaginnittoqarfiup pinaveersaartitsinermigut siusissukkat ikiorssiinissaq peqqinnerulernissarlu suliniutigalugit aallar-tissavai.

Qaasuitsup Kommuniani inunnik isumaginnittoqarfiup pinaveersaartitsilluni suliaqarnermigut makku suliarissavai; siusissukkat ikuineq, innuttaasut atugarisaanik pitsannngorsaneq, innuttaasut nale-qarnerusumik imminnut isiginissaannik suliaqarneq taamaalillunilu peqqinnerulerneq angune-qassalluni.

### **Atuarfeqarfik**

Qaasuitsup Kommuniani meeqqat atuarfiini siusissukkat suliniuteqartoqassaaq (soorlu assersuuti-galugu paasitsiniaasoqassaaq innuttaasunillu paasitsiniaasoqassalluni). Ilinniartitsisup peqqin-narnerusumik inooriaaseqarneq atuartunut paasitsiniutigisassavaa.

Meeqqat atuarfiat ukiumoortumik suliassat pilersaarusiorneqarneranni peqataasassaaq. Taman-nalu pisassalluni pinaveersaartitsineq peqqinnarnerusumillu suliaqarnissat aallaavigalugit.

### **Politiit**

Qaasuitsup Kommunianni Politiit pinerluttamerit, persuttaasarmerit il.il. ikinerpaaffianiitinniarlugit suliniuteqassapput. Taakku saniatigut pinaveersaartitsinermik suliaqartassapput; meeqqat atuarfiini ilinniarfinnilu allani paasitsiniaasassapput innuttaasunillu paasitsiniaasassallutik.

### **Peqqinnissaqarfik**

Qaasuitsup Kommuniani peqqinnissaqarfiit innuttaasunik peqqinnerulersitsinissaq suliarissavaat. Inuia-qatigiit peqqissuunissaat, tassa imaappoq; timikkut tarnikkullu peqqissuunissaq anguniarneqassaaq. Inooriaaseq anersaakkullu inooriaaseq ataatsimoortinneqassapput. Nappaatinik pinaveersaartitsinissaq peqqinnissaqarfimmi kisimi sammeneqassanngilaq, aammali innuttaasut tamarmiusut suleqatigineqarnissaat pilersinneqassalluni.

### **Kigutileriffik**

Qaasuitsup Kommuniani kigutileriffiit naartuunermit pinaveersaartitsinermik suliniutit aallartittas-savaat. Innuttaasut angerlarsimaffimmini kigutiminnik pitsaanerpaamik paarsinissartik ilinniassavaat, kigutigissuunissaq pitsaasumik inooriaaseqarnermiissasoq anguniarneqassaaq anguneqarpallu pitsaassutsip taamaaginnarnissaa anguniarneqassalluni. Taakku saniatigut kigutigissuunissaq peqqinnartunillu nerisaqarneq anguneqassapput kiisalu kigutit, qaneq tallullu qanoq peqqinnartuutinneqarnissaannik paasitsiniaasoqassalluni; taakkumi inuunerup sinnerani pigineqartussaasarmata.

### **Meeqqueriviit aamma atuarfiit**

Qaasuitsup Kommuniani meeqqueriveqarfiit peqataatinneqassapput; naalugiarsuit, meeqqat angine-rit aamma angajoqqaat pinaveersaartitsinermik suliaqarneq pillugu ilisimasaqarnerulernissaat anguniarlugu.

Meeqqueriveqarfinni sulisut peqqinnartumik inooriaaseqarneq aqutigalugu meerartatik peqqissuu-tinniarlugit sulisuteqassapput. Angajoqqaat meeqqallu siusissukkat pinaveersaartitsinermik ilisimasaqarnissaat suliarisassavaat ilaqutariinni peqqinnarnerusumik inooriaaseqarnissaq anguniarlugu.

### **Innuttaasut**

Qaasuitsup Kommuniani innuttaasut namminneq aamma pinaveersaartitseqataassapput pitsaa-sumik inooriaaseqarnermik, taamaattumik nammineq kajungissuseq aallaavigalugu suliallit pinaveersaartitsinermi suliaqarnermut peqataassapput.

Angajoqqaat, meeqqat, inuusuttut, inersimasut aamma utoqqaat najukkami, illoqarfimmi nunaqar-finnilu, pinaveersaartitsinermut siunnersortit peqqinnerulernissamillu sulisut allat suleqatigalugit pinaveersaartitseqataassapput.

**Qaasuitsup Kommuniata pinaveersaartitsinermik peqqinnerulernissamillu naalackersui-nikkut anguniagai Meeqqat, inuusuttut ilaqutariillu siusissukkat ikiorserneqartarnerat.**



**Siunertaq:**

Qaasuitsup Kommuniani meeqqat inuusuttullu sumiginnarneqartartut pinaveersaartinneqarnissaat anguniagaavoq, tamannalu pingaarnertut siulliutinneqarpoq ilutigitiillugu ilaqutariit siusissukkat ikiorserneqartarnissaat aallartinneqartassaaq. Pilersaarut piviusunngortinniarlugu suliniuteqarnerulertoqassaaq nukittorsaaqassallunilu.

**Anguniagaq:**

Illoqarfinni nunaqarfinnilu tamani ilaqutariit naartusortallit, erninissamut piareersarneqartarnissaat inuusamillu paarsisaat siunertaavoq. Suliffeqarfiit akimorlugit suleqatigiissitat iliuusissatut pilersaarusiussapput meeqqat inuusuttullu sumiginnakkat pinaveersimatinniarlugit ilutigitiillugulu naartunaveersaartit atornerulernissaat angunianeqassalluni.

Qaasuitsup Kommuniata angajoqqaat perorsaanermik ilisimasaqarnerulernissaannut suleqataaf-figerusuppa aamma ajornartorsiutip allivallaanginnerani siusissukkat ikiorsiisarnissaq sulissutigerusullugu.

Neqeroorutit atuuttut atorluarnerisigut, inerisarnerisigut erseqqissarnerisigullu kiisalu siusissukkat ikiorsiisarnikkut tamanna anguneqarusuppoq.

Inunnik isumaginnittoqarfiup ataani inissisimasussamik pinaveersaartitsinermik suliaqartussamik ataatsimik atorfinitsinissaq sulissutigineqassaaq. Siusissukkat ikiorsineq (pisut pitinnagit iliuuseqartarneq) matumani pingaartinneqassaaq.

**Periuseq:**

Suliffeqarfiit akimorlugit suleqatigiissitat ilaqutariinnik naartusortalinnik meeqqap marlunnik ukioqalernissaata tungaanut siusissukkat ikiorsiissassapput. Taamaallit suleqatigiissitat ilaqutariit marluk sinnerlugit ukiulinnik meerartallit kiisalu inuusuttuaqqat qanoq periuseqarfigineqartarnissaannik sulerusissanik ujartuissapput. Suliniutit ilaqutariit suleqatigalugit suliarineqartassapput; taamaattoq tamatigut iliuusissatut pilersaarusiortarnissaq pingaaruteqartinneqassaaq.

Inuusuttut naartusut inuusuttullu ilaqutariinngortussat erninissamut sungiusartinneqartarnissa-minnik neqeroorfigineqartassapput. Ilutigitiillugu inuusaq atorlugu pilersaarut meeqqat atuarfianni aallunneqassalluni.

Qaasuitsup Kommuniata ilaqutariinnik sullissiviit suleqatigalugit angajoqqaat perorsaanermik ilisimasaqarnerulernissaannik suliniuteqarusuppoq, meeqqeriviit suleqatiginerisigut aamma ajornartorsiut allivallaartinnagu atuarfik siusissukkat suliaqartassaaq. Oqalugiartitsinikkut kiisalu angajoqqaanik paasissutissiinnikkut timikkut tarnikkullu alliaartitsisoqas-saaq. Meeqqat inuusuttullu sumiginnarneqarsimasut pasitsaasisoqarpat, meeraaqqeriviit, meeqqeriviit atuarfeqarfiit sukkanerpaamik nalunaaruteqassapput. Suliffeqarfiit akimorlugit suleqatigiissitat isumaginnittoqarfimmi meeqqanik inuusuttunillu sullissis-sunik, peqqinnissaqarfimmi ernisussiorumit, meeqqerisumit, nakorsamit, ilaqutariinnik sullissisumit, meeqqerivinnilu perorsaasunik inuttalersorneqassapput. Suliffeqarfiit akimorlugit suleqatigiittut paasissutissaatik katersussavaat ilisimasatillu ataqatigiissaassallugit.

**2010-miit 2025-mut anguniakkat:**

- Ilaqutariit sammisaqartinneqarneri nukittorsarneqarnerilu. Angajoqqaat meeqqaminnik sumiginnaaneri ikilisarneqassapput
- Meeqqat inuusuttullu angerlarsimaffiup avataanut inissineqartartut ikinnerpaaffimmiinnis-saat siunertarineqassaaq
- Qaasuitsup Kommuniani immikkoortortaarfinni tamani siusissukkat ikiorsiisoqartassaaq pilersaarusiortoqartassallunilu
- Naartusut aanngaajaarniutinik atuisartut katsorsarneqartarnissaat pingaartinneqassaaq
- Qaasuitsup Kommuniani ilaqutariit perorsaanermik ilisimasaqarnerulernissaat anguniarneqassaaq
- Ilaqutariit meeqqat inuusuttullu perorsarneqarnerannut attuumassuteqartut paasissutissiiffigineqartassapput
- Killiliinissamik angajoqqaat ilisimasaqarnerulernissaat
- Ilaqutariit, meeqqat, inuusuttut utoqqaallu peqqinnarnerusumik inooriaaseqalernissartik namminneq iliuuseqarnermikkut angusinnaangaat paasitsiniutigineqassaaq.



## **Qaasuitsup Kommuniata suliniutit innuttaasunut anngukkusuppai**

### **Anguniagaq:**

Qaasuitsup Kommuniata suliniutit erseqqinnerulernissaat peqataaffigerusuppa. Tamanna anguneqarsinnaavoq periarfissaareersut atorluarnerisigut, inerisarnerisigut, soqutiginarsarnerisigut aamma erseqqisarnerisigut.

Innuttaasut paasititsiniaaffigineqassapput atuarfiit, meeqqeriviit inuusuttunillu sullissiviit, timersoqatigiiffiit peqatigiiffiillu allat qanimut suleqatiginerisigut aamma neqeroorutit allanut tulluussarneqassapput. Qaasuitsup Kommuniata pinaveersaartitsiniutit pitsanngorsassallugit kissaatigaa ingerlaavartumillu paasititsiniaanerit aallartinneqassapput; innuttaasunut suliffeqarfinnullu sammitinneqarlutik.

### **Periuseq:**

Qaasuitsup Kommuniani suliniutit erseqqissuussapput tamanillu pissarsiarineqariaannaassallutik.

Angajoqqaat, meeqqat inuusuttut, meeqqeriviit inuusuttullu ornigartarfiit, timersoqatigiiffiit aamma peqatigiiffiit allat qanimut suleqatigalugit paasititsiniaasarnikkut pinaveersaartitsinermik suliaqarneq nukittorsarneqassaaq.

### **2010-miit 2025-mut anguniakkat:**

Suliniutit tamarmik anguniagalersorneqassapput nunanilu tamalaani ulloqartitsinerit malunnartinneqartarlutik.

**Akuerineqarpoq Kommunalbestyrelsimik ulloq 21. November 2012.**